

Zarjadniski předpis
Sakskeho statneho ministerstwa za wědomosć a wuměłstwo
k spožčenju myta za serbsku rěč Myta Zejlerja¹

Z dnja 30. januara 2018

I.

Předmjet myta

Statne ministerstwo za wědomosć a wuměłstwo załoži myto za serbsku rěč Myta Zejlerja. Z Mytom Zejlerja maja so zaslužby na polu přiswojenja, nałožowanja a posrědkowanja serbskeje rěče – wosebje hornjoserbšćiny – hódnoćić.

II.

Mjeno myta

Myto je pomjenowane po basniku, publicisće a duchownym Handriju Zejlerju (1804 – 1872), kotryž plaći jako załožer modernej serbskeje literatury a kotrehož twórby maja do dźensnišeho pozitiwny wliw na serbsku rěč.

III.

Wuzwolenske kriterije

1. Myto Zejlerja spožči so njedźělene wosobinje respektiwne skupinje wosobow, kotraž je na polu přiswojenja, nałožowanja a posrědkowanja serbskeje rěče – wosebje hornjoserbšćiny – wusahowace abo přikładne wukony docpěła abo je w přitomnosći docpěwa.
2. Myto Zejlerja so zjawnje njewupisa. Njeje móžno, so wo myto požadać. Čłonojo jury namjetuja kmane wosobiny abo skupiny wosobow. Namjetowanske prawo maja jeničce čłonojo jury.
3. Myto Zejlerja spožči so wosobinje respektiwne skupinje wosobow jenož jónu.

IV.

Dotěrowanje

Myto Zejlerja je z 5 000 euro dotěrowane. Wone so zhromadnje z wopismom přepoda.

V.

Jury

1. Wo přiznaću Myta Zejlerja rozsudzi statna ministerka/statny minister za wědomosć a wuměłstwo na doporučenje čestnohamtskeje jury, kotraž so na slědowace wašnje zestaja:
 - a) zastupjer Statneho ministerstwa za wědomosć a wuměłstwo,
 - b) zastupjer Rady za serbske naležnosće,
 - c) zastupjer Domowiny – Zwjazka Łužiskich Serbow z. t.,
 - č) zastupjer Serbskeho instituta z. t.,
 - ć) zastupjer wokrjesa Budyšin,
 - d) zastupjer wokrjesa Zhorjelc a
 - dž) zastupjer gmejnow serbskeho sydlnskeho teritorija Swobodneho stata Sakskeje.
2. Wobchodna rěč jury je zasadnje serbska. Předsydstwo jury přewozmje zastupjer Statneho ministerstwa za wědomosć a wuměłstwo. Předsydu zastupuje zastupjer Rady za serbske naležnosće. W padže zastupowanja je zamołwity sobudźěłaćer Statneho ministerstwa za wědomosć a wuměłstwo jako hósć přitomny. Na časowu dobu šěsć lět pomjenuja pod čisłom 1 mjenowane institucije po swobodnym rozsudze wosobinu jako zastupjerja do jury. Statne ministerstwo za wědomosć a wuměłstwo čłonow jury na spočatku wotpowědneho časa zastojnstwa wobkrući. Wospjetne pomjenowanje je móžne.
3. Po wotchadže čłona jury ma so hač do kónca šěsć lět trajaceho časa zastojnstwa wot delegowaceje institucije naslědnik postajić a wot Statneho ministerstwa za wědomosć a wuměłstwo wobkrućić.
4. Za čłonow jury je spožčenje Myta Zejlerja wuzamknjene.

**VI.
Jednanje jury**

Jury rozsudži z jednorej wjetšinu hłosow. Při runosći hłosow rozsudži hłós předsydy. Wuradźowanja jury njejsu zjawne. Přeciwo rozsudej jury njeje prawniske postupowanje móžne.

**VII.
Spožčenje**

Statne ministerstwo za wědomosć a wuměłstwo spožča Myto Zejlerja dwulětnje w měsće/wjesce serbskeho sydlenkeho teritorija Swobodneho stata Sakskeje. Prěni raz spožči so Myto Zejlerja w léće 2014. Zakonske prawo na spožčenje Myta Zejlerja njewobsteji.

**VIII.
Wozjewjenje**

Tutón zarjadniski předpis wozjewi so w němčinje a hornjoserbščinje.

**IX.
Nabyće płaćiwosće, zhubjenje płaćiwosće**

Tutón zarjadniski předpis nabudže džeń po swojim wozjewjenju płaćiwosć. Zdobom zhubi [Zarjadniski předpis Sakskeho statneho ministerstwa za wědomosć a wuměłstwo k spožčenju myta za serbsku rěč Myta Zejlerja](#) z dnja 16. oktobra 2013 (SächsABl. str. 1110), naposled zapřijaty do Zarjadniskeho předpisa z dnja 28. nowembra 2017 (SächsABl. SDr. str. S 417), swoju płaćiwosć.

Drježdźany, dnja 30. januara 2018

Statna ministerka za wědomosć a wuměłstwo
dr. Eva-Maria Stange

1 [Vorschrift in deutscher Sprache](#)

Enthalten in

Verwaltungsvorschrift des Sächsischen Staatsministeriums für Wissenschaft und Kunst über die geltenden Verwaltungsvorschriften des Staatsministeriums für Wissenschaft und Kunst

vom 2. Dezember 2019 (SächsABl. SDr. S. S 393)